

Iuku ria Ngai ria twana
Ribureterete



Noa igiita
riia
maburiko



Riandikitwe ni: Edward Hughes

Rionanitwe ni: Byron Unger; Lazarus

Ruamukiri ni: M. Maillot; Tammy S.

Ritauritwe ni: Florence K. Arimi

Riaritwa ni: Bible for Children
www.M1914.org

©2019 Bible for Children, Inc.

Laisence: Niwitikiritwe gukobia kana kuritithia rugono ruuru,
bunka ruti rwa kwendwa.



Nowa ari muntu waroombaga
Murungu muno. Aantu
babaingi bameneete na
kurega kwathikira Murungu
muno. Ntuku imwe, Murungu
arauga untu bwa kurigaria.

"Nkaathiria giintu
kiri kiri
nthiguru iiji yonthe,"
Murungu areera

Noa. "Ugwe
na ataana baaku,
na muuka waku nibwi
bugatigaara."



Murungu nieriire Noa maburiko jamaneene muno jakeeja na jagakuniika nthiguru yoonthe. "Ithithirie Sabina, gitaaru gikineene gia kuugia antu baaku na nyomoo inyiingi." Noa ereerwa. Murungu arankenkera Noa mawaatho jontho jakuthondeka Sabina. Noa araambiiriria nguugi!





Antu nibageragia
kuariiria Noa buubui
akibeera gitumi gia
gwaka Sabina.

Noa
areeta

mbere
naa gwaaka.
Ni akaraaga
akiiraga aantu
mantu jaa Murungu.
Indi gutiwe
wathikiiria.



Noa ari na witikio
bubunene muno.
Nietikitie Murungu
muno abakeethira
mbuura itaari iraura
kairi. Sabina iraa tayari
gwikirwa into
bionthe.



Nyomoo irambiriria kwija. Murungu arareeta mungwanja cia muthemba jumwe, na ijiiri cia juungi. Nyoni iniini na ineene, tunyomoo tutuniini na iindaja irakuuruka kiri Sabina.



Nambuga antu nibaruumaga
Noa muno riria akurukagia
into kiri Sabina. Batatiga
kwiiya kiri Mwathani.
Bataromba ruutha
rwa gutonya kiri
Sabina.




Nyumeene, nyomoo cointhe na
nyooni niciarikirie gutonya kiri Sabina.

"Kurukeni
kiri Sabina."
Murungu
arabeeta.

"Uugwe na antu
baku bonthe." Noa,
mwekuru waawe, ataana
baawe na eekuru ba ataana
baawe barakuruuka kiri Sabina.
Murungu arainga mwari jwa Sabina!





Nayo ngai irura
nthiguru. Ngai
ineene muno iraura
ntuku mirongo ina
(40) muthenya na
utuku.







Ruuji
nirwetire
mbere
kwongereka
ntuurune kuunthe.

Irima biria biraaja bionthe birathikwa
ni ruuji. Gintu kionthe kiria kiaari nthi
injumo na giakagia miruki kirakua.



O uria ruuji rwaingiaga,
Sabina ireereera iguru.
Mbuuga nikwari na muundu
ndeene, na mitaaro, na
kimako gikineene muno.
Indi Sabina niyarigiriirie
Noa atakamatwa nii
maburiko.





Nyuma ya mweri Itano ya maburiko,
Murungu aratuma ruuo rwa kuumia nthiguru.

Mpaara, Sabina iratuuriira irimeene
biineene biia Ararati. Noa niakariire
kuu ndeene ya Sabina ntuku

iingi miirongo
iina (40)
eteereete
ruuji

ruua.



Noa aratuma nkunguru na kijeja biraunagariira
ndiricene ya Sabina iria athithitie. Indi kijeja gieta
kiraaga antu noo amwe aria kiumba gukinya nakio
kiracoka kiri we sabineene.





Nyuma y ntuku mugwanja,
Noa arageeria kairi.
Kijea kiracoka kiri we.
Nikiarumiite ibuura rii
muzeituni naa muromo riria
riria giatuite o riio. Kiumia
kiu kiathingatiiriite Noa
araaramenya nthiguru
ikuumatoontu kijea
gitacokere kiri we kairi.




Murungu areera Noa kagiita gagukinya kawe
ga kuuma Sabina. Uwe na muka waawe na
ataana baawe na aka ba ataana bawe
baraumagaria biumbe bionthe.



Noa niaigirue ari na kugwiirua
muno! Araakiira Mwathani
kiritiro ki igongwana na
araamukumia muno niuntu
niamuteethirie we naa

antu baawe kurega
gukamatwa ni
maburiko.





Murungu
niaeere Noa
kiriikaniro
gikithongi muno.
Aramwira
atikarogambithia
meeyia jaa

muntu kairi naa njiira
ya maburiko. Murungu
aramuririikania
kiriikaniro kiawe.
Mukungambura niiju
jwaari rwaano rwa
kiriikanirona Murungu.

Noa ataana bawe
baraambiiriria utuuro
bubueru maburiko jakuthiira.

Nyuma ya kagiita gagakai,
baraciarana barathegea
naa baraojuria nthiguru.

Nthuguru
yonthe

baumaniirie naa
Noa naa aana bawe.



Noa igiita riia maburiko

Karugono kuuma kiri kiugo kia Murungu,
iuku ria Ngai

koneekete kuuma

Kiambiriria 6 - 10

"Witikio bwa kiugo kiawe nikiio utheeri."
Zaburi 119:130



Mwisho



Iuku riiri ria Murungu riiritwiira maantu ja Murungu wa kurigaraaria muuno uuria watumbiire na uuria weendaga umumeenya.

Murungu niaiji nituthiithitie maantu jamathuku muno, jaaria etaaga meeyia. Nthiinjire ya meeyia ni gikuo, indi mwathani akuendete muno niuntu niatumire muutana waawe wa muumwe jesu, araambwa mutharabeene na araewa nthiinje niuntu bwa meeyia jaaku. Jesu niaariukire na areeta njeewe iguuru! Weetikania na nteeto cia Murungu na wairiira meeyia jaaku, akaathithia uu! Akeeja atuure ndeene yaaku kairi, na ugaatuura nawe kenya na kenya.

Kethira nugwitikia iji ni nteto ciam, iira Murungu mantu jaja: Kiri Jesu, nimbitikitie ugwe uri mwathani, na waare muntu nikenda ukua nontu bwa meeyia jakwa, na nandi uri mwoyo. Ndaromba wiije ndeene ya mwoyo jakwa na undekeere meeyia jakwa nikenda nkaagia na utuuro bubweru na ntuku imwe nkeeja ntuure nagwe kenya na kenya. Nteetheria nkuathikire na nguturiireta mwana waku. Ameni.

Thooma Iuku ria Murungu na waarie na Mwathani ntuku cionthe!
Johana 3:16

